

Doxdax Foux Gvangjczangz Coi Gak Minzcuz Gvangjsih Huznanz Gveicouh “Sam Gyau”

广场舞比赛促桂湘黔三省(区)各民族“三交”

6 nyied 2 hauh, bi 2023 “doengh aen mbanj Sanhgyangh gap baengzyoux” doxdax diuq foux gvangjczangz youq dieg baeyouz Mbanjdung Yezyej Sanhgyangh Duncuz Swciyen haiguh. Gvangjsih、Huznanz、Gveicouh sam aen swngj(gih) gungh samcib aen doih camgya doxdax. Neix langhbaiej le yienghnde minzcuz, coicaenh gak minzcuz sam aen swngj (gih) neix “sam gyau”, doidoengh lijyouz vwnzva Sanhgyangh hwngfat ndaej youh vaiq youh ndei.

(Liengz Siumingz/梁秀明 Liuz Lu/刘璐)



▲Gak aen doih youq gwnz daiz angqangq yangzyangz doxdax.

Nanzningz “Hangzhaw Hwnz” Hawj Doengxhaemh Engq Mizyinx

南宁“夜经济”丰富“夜生活”



Seizhah doengxhaemh, Aen Maxdaez Dingzswj laeng henx Dahyunghgyangh Nanzningz Si ronghsaksak. Vunzlai youq gizneix youz haw、yawj gingj doengxhaemh、cimz gaiqgwn, gig nauhyied. “Hangzhaw haemh” laiyengh hawj vunzlai youq gyanghaemh gvaq ndaej engq mizyinx, gikfat hawsingz siu-yung.

(Yi Sienghczenz/喻湘泉)

▲Youq Aen Maxdaez Dingzswj, vunzlai youz haw、gwn doxgaiq、yawj funghgingi.

Denzyangz Gyongj Reihnaz Dajndaem Ndaej Sou Lai

田阳实施小块并大块耕作模式获丰收

6 nyied 2 hauh, Bwzswz Si Denzyangz Gih Mbanjsinhgen ciu vunzlai mbaet makyungz bae gai. Bi 2022 buenqbi gaxlaeng neix doxdaeuj, aen mbanj neix dawz reihnaz lienx guh baenz rangh, baenz manj dajndaem gohuq, doxcaez guenjieix. Seizneix, lwggwz、makyungz、vaizsanx、haeuxyangz、gvehoengz daengj cungj ndaej sou lai, caemh canh ndaej lai.

(Vangz Gozsun/黄国顺)

◀Makyungz ndaej sou lai, vunzmbanj angqvauvau.



▲Lwghag sawq guh lifwnj Yungzanh.

Yungzanh:Vwnzva Cienzdoengj Feihyiz Haeuj Hagdangz

融安:非遗传统文化进校园

Mboengqneix, Yungzanh Yen cujcz doengh boub daibyaui giyez guh gaiqgwn daengz Yungzanh Sizyen Siujyoz guh hozdung hangh-moeg ciepcienz feihyiz “henhoh caeuq ciepcienz yizcanj vwnzva” haeuj hagdangz. Nyezrauh gak minzcuz dingq gyangjco, hag guh lifwnj Yungzanh、fuzyungzshuh Cangzanh daengj, hag le haujlai cihsiz vwnzva feihyiz. Neix hawj gij goq ndawhag bienq ndaej engq laiyengh, hawj vwnzva feihyiz ndaej daih cienz daih.

(Yangz Cuibingz/杨翠萍 Cinz Ginghoz/覃庆和)

